

詠
業
近
集

五原

利盡無鹽不虛也既衆生解不
當急就乍見之端不以請但率
酸迫人當留此道与慧業文
人不立後与少衆爭道也利本大

繡繖者加少者爲之七上諸公醫家故
其臣而久之不戒片段耳至欲
集四五年來吟詠另爲一冊但恐
德薄不可爲托今不必以是精
板於之如村市買鹽米可耳

不捷以事半是融在之海應得
平穩得甚多本業不了為
得夠民可情也惜不耐寒前少寒起
難少抗事源此八月後腰疼是問
痛習時弱水理及書集好可得

乎山居水濶未通遠
名蟻場人
米欠常為清適一日得三兩時漸為
厚以存後不知尚何任不

兄前云難可安臥之故好之瓶粟
久蓄名難集為王構之去橫州之助相

諸君所以為性上心身操上未極通
觀之系如

前廢明族嘗待理付 云云係食入

冬石暇想得再領今是貴病中不能動

兄舊鈞擲段收牙如所願 承

僂節時病極謝諸朋好以
而意至乃不能勉勵強起唯諾
將多負罪也

弟文謨



月十日

又云

諸詩皆述古事，蓋刻為石，僱韻生

潤色之，錄為清歌，出為此曲，以而

本中尚有七八字，誤，且之，而，要

詩出，諸要者，極多，前付胡仁祖

及世歷為和未乃西乞且家片時
刷目諸本賴陽永錫錫弘之

為也

謝之安生



弘之印

詠業近集目錄

卷

四言古

贈陳甌溪後人

一章

元晦

贈張鯢淵中丞平寇班師

五篇四十四章

七建

師武

禹甸

光天

文德

四言古詩

漳海

黃石齋著

榕壇門人

較

丁玉明者古之有道也
甌溪陳靚夫凝甫
二兄弟皆從之游
沒身不衰
今其子弟
猶守敦篤
有二生之風
聊爲識數言歸
之勿謂好學從師者之皆無用也

昔維元晦引掖安卿
暨於子充實歎林子
剝夫之起孑然無徒
謂我有漳邈惟三士
斯道不墜

在丁玉明誰信從者、甌溪陳生、厥有昆季、覩夫
凝甫皆本醇德、闇然服古、不求聞達、不慕浮榮、
服勞從師、萬里于征、大雅旣衰、問學道喪、誰以
韋布而敦德種、譬之農夫、惟藝黍稷、是耔是耜、
是寢是食、惟其敦朴、物莫之奪、內本靜專、不憾
其末、我稽古人、亦寡與儔、愛敬知能、厥惟蒙求、
少則云然、壯老則不、惟此孩心、鬱若終古、以眎
仁義、猶梓與鼓、動之曰誠、應之曰信、非誠與信、

同室莫應、我觀陳生、乃思丁君、行修於鄉、而應於國、衆不媿朋、私不媿獨、宜爾後人、續其初服、

甲申端午後四日張鯢淵中丞旣平漳寇
班師過訪鄴山與諸子餞道于東江之

渚爰集詩歌先爲引端 敘別載

七建之山、隆崇宵浚、滔德自天、民生孽心、於皇張公、鎮以靜默、細刃鉅斤、不缺不折、匪曰平之、曰知厥情、絕本反原、使孽不興、雖有龍蛇、共慕

其血雖有、贊虎共顧、其穴去顧、去慕、民乃安作、
潛淵拔地、不改其度、用如不疑、功如不居、禹鼎
倕鍾、湛以詩書、矛弧是仗、芻蕘是株、亦矢文德、
乃濟儼海、漳山既平、漳流既清、綏以盡干、而依
磐聲、溫衽義俎、以保有室、道津禮液、而洗斧鑕、
四方眎茲、亦曰懋哉、天子命公、獲所樹哉、微
我張公、雖有甲兵、又曷怙哉、

右十章一章至九章章四句末章七句

師武桓桓、曰表江漢、乃秉七德、以戡斯亂、維我
張公、文武是憲、淵塞厥心、罷與道貫、念茲海隅、
亦服鄒魯、有蠢不知、如犢觸乳、拳箠而嘯、投竿
曰、犗帝軫不除、俾受公度、公順長道、以御雄畧、
驛驅服驂、不掣其轂、狸首之來、咸辭其穴、公曰、
念哉、天吏逸德、勿爲猛火、以燬玉石、巨憝旣得、
皆安厥室、人人廬廬、子子翼翼、維公之來、甫及
三旬、維公之歸、夏祔受春、鷹鳩俱化、醕醢皆醇、

田疇孔修、畔路是遵、公既飲至、不畱不處、整如
嚴君、暇若處女、曰將帥力、曰神明與、我則何功
而惠此土、帝曰能哉、相我羣工、莫如爾諧、居
圉且荒、匪天降災、爾有風力、則吹塵垢、彼尸素
者、如食斯餼、何以錫公、有馬有車、玄裘介圭、赤
誥金書、雖有茲錫、公殊未喜、曰彼四海、未有寧
止、安得皇途、既平且康、蟲蛇不生、八蜡永臧、公
立帝廷、扶中植央、乃矢崗梧、以鏘鳳皇、

右九章一章二章章八句三章六句四章

五章六章章八句七章九句八章九章

章八句

倬此禹甸、是秉文敘、攬轡不涓、其末廼棹、猥蔘
不鋤、嘉禾曷蘇、雖有油雲、委之泥塗、維我南服、
豈曰荆楚、蛇虺相師、遂啓厥侮、屢叛屢招、匪類
乃驕、畜豺牧羊、其鑒不遙、粵維張公、實壯我鑰、
拔本塞源、以贊於鑠、順命者扶、干命者誅、無縱

詭隨、以恩驚愚、顧彼飛鵠、安有好育、烹蛇禦風、
不恬於心、取民鎗草、尚曰無赦、豈有養魅、以司
宵夜、魚然之羣、用灰博活、公曰弋之、取彼在穴、
一夫伏鑕、千室鳴絃、若彼羸生、蒲不敢鞭、以公
之憲、式我邦國、萬羊億犴、孤童子牧、世道將興、
則維巡方、況爲長師、以奠吉疆、四馬之駮、六轡
如琴、剛柔載調、以敷德音、奇功茂績、則世亦有
大人載道、澹若玄酒、漳江之濱、而無彼姝、魚膾

膾香薄於醢、遺公千言、以雅以頌、視彼來茲、
吉甫張仲、所不敢云、六月出車、薄伐四友、以匡
王居、

右八章章八句末章十二句

光天喁喁、則維遠海、馬童騰蹕、以震方外、帝曰
寧之、則維重臣、帷幄之謀、而消甲兵、無曰悍馬
亦顧厥御、毋曰盤節、則視彼鑣、我有山子、亦走
萬里、我有素虬、亦蹈海水、爾遑駕之、勿隨勿追、

爾遣秦之、以和以威、四野將逃、勿駭以鼓、去厥
害羣、乃獲我馬、靜烝遠心、維公則能、碩畫遠猶
不違其經、譬彼弗種、有相之道、不以嘉穀、昇於
豐草、漁梁之山、九仙之谿、翠旄采旌、而蘇貞羹
降於漳江、以屈梁麓、反鼻辨髮、無思不服、顧彼
仡夫、戮力於原、載獫攻駒、則操其端、亦有罄控
亦有縱送、二八之蹄、乃悉其用、車至轍微、無堅
不摧、蘭表稻畦、成行鼎鼎、工安其肆、民安其畔、

仲召虎、則循其貫、燕喜勞還、乃及旬朔、膚敏
之功、爲今古獨、鴻雁啓啓、曰歸其家、遵豆壺觴
而揚斧柯、江東諸賢、有孝有德、實頌清風、以鏤
金石、皇路將夷、爰聞是詩、登於九天、勒爲穹碑、

右九章章八句

文德維和、武德維斷、和斷之繩、則艤彼岸、遼陽
隕師、曰維不和、楚豫潰癰、曰維不斷、顧此四海、
茫無其畔、世有哲人、必灼厥因、相彼病源、而病

乃身不尸厥功、不違厥馬、乃從蟻水、而獲其野、
修文德來、繫長道順、非獨標治、亦曰本論、君子
明功、先廣厥心、鍾簋在宮、外聞其音、戰勝在堂、
豈必臨戎、安于之甍、矇犢不下、尹鐸之邑、蛙魚
所厠、或峻或平、廣德所經、伋伋躋梁、安知其型、
鑒彼四方、先悟厥敗、碩人容容、良士蹶蹶、亂生
微寧、病加少愈、實有毛倫、衆莫克舉、高位易尊、
崇功易驕、廉藺區區、猶知本標、嗟彼世人、舉鼎

絕蹟、益餉以石、蓋非其任、楚豫旣喪、乃昇秦晉、
猶曰標治、異於本命、哲人亶聰、勿輕鄙夫、亦有
黷素、以扶輿樞、芻蕘禮樂、而佐上聖、喪亂弘多、
則靡有定、楊葉百發、其的不競、載闢載收、如而
農功、宗然體虛、乃與天通、勿謂道謀、不足與同、

右八章一章十句二章十二句三章六句
四章五章六章章八句七章十二句八
章六句

言下言
二五
繇求逸致共在農山正叔老儒樂觀垓下雖
穆如之詠多慙而黜爾之懷不絕如使世道
休明尚從干羽以誦歸昌卽令黎庶粗安亦
修鑿耕而忘帝力彤弓鍾鼓膳言一朝珥筆
興詩逸焉千古歎夾谷之難從愁率野其何
極式歌且舞我德伊何載寢載興公歸未遠
旣發綿蠻之音爰終驪駒之曲令帳下歌兒
能勝鐵綽板者奏此大江東足資撫掌云爾

詠業近集目錄

五言古

癸未
甲申

郭正夫文宗構尊經閣詩以序之
一章

昭漢

讀郭正夫集并觀較士
一章

斯道

和三山林守一入萬松關見懷
一章

山川

別陳宣公 一章

廿載

送宣公還三山 一章

淳德

查穀齋將還錢塘寄懷諸友 一章

屬地

偶書寄陳令升 一章

神州

附聯句 一章凡八章 畢

五言古詩

癸未
甲申

漳海

黃石齋著

榕壇門人

較

郭正夫文宗構尊經閣詩以序之

癸未

昭漢信在天、經書尚比屋、四海爲魯殿、側壁動
絲竹、輓世尚權譎、稗子散醇樸、遂以申韓言、強
爲堯舜讀、津梁溷三豕、搏觸競五鹿、阡陌開儒
坑、椎埋覆公餗、刀筆既可師、顏孔安足錄、哲人

察其端、喟然念明俶、遺編事苴葦、周鼓發逸璞、
譬彼開河山、不敢後嶽瀆、根源出藻茆、餘實被
百穀、五曜循星榆、享彗乃依伏、王者司天彛、康
回守地軸、不以罔象珠、而泣神鬼粟、不以妖鳥
符、而起龍蛇陸、世道雖鼎沸、吾學未掌覆、豈有
麟鸞皮、遠慕皤席腹、弓馬多健兒、如噉屠狗肉
俎豆一以贈、箕壁爲跼蹐、仲尼值戰祭、自矢得
勝福、雖不射膺懲、諒不至函鄆、所以七聖人、未

宵踰尺幅、敬簡師德心、清明爲道目、干城寄且
鬼、長算坐帷幄、吾鄉諸老儒、頗亦事追琢、鄒魯
五百年、風采尚新沐、一爲過者存、後至各先覺、
聖明表六子、引穀導正鵠、此意非區區、要使羣
醜服、先生秉文秘、遂與六子續、以爾伯夷風、煥
爲多士塲、非獨八州燈、允矣九閭燭、

讀郭正夫集并觀較士有作

斯道失崑源、文章少淵海、騷雅雖薄枝、亦已湮

其會詞林屢喪七、驚鵲雜綵縹、隆萬不可追、花
磚漸蔚蒼、未于本英儔、矯然發清嘒、投橐爲典
客、離車未改佩、龍夔禮樂親、崗梧雲物藹、鳳羽
貴孤騫、豈必逐鵷隊、球圖在東序、斷不吐光怪、
解館授職方、巍峩重先輩、相史挾廬兒、恍惚兄
異代、要以扶化柄、不爲衆草穢、日月自中天、星
辰無面背、巨秤出袖間、雄風播海外、約此玄冥
籙、以作昭明輔、黎火但一室、若華乃四屈、金箭

收下陳、齊難集鉤帶、異文盪古貿、新響突地竈、
鑿殺寶樹燈、霽爲五雲蓋、弟子三萬人、一一躡
珠璣、瞻昔諸同儕、奄然託櫬輅、持踵坐曲室、如
搔經史疥、出門無車帷、側足見櫺櫺、清晨鬚眉
心、白晝花粉頰、高枹渾沌鏡、竊炤疑傑態、因之
解臙肉、不復憶舊貌、纏綿于初意、賤蹕千秋旂、
噓氣宕胡氛、餘閑破曉睫、陋矣馬蹄間、錦膝擁
口袋、以此眎東觀、何異鷄蓬艾、諒有姬孔心、各

得鐘鼎在

三山林守一入萬松關有作見懷用韻

和之

山川愛嘉客、新意動軒翥、每每欲拔地、突出爲
人助、爭壁絡羣峰、江流不敢去、豹隊方陸梁、獅
子忽頭踞、神人相咋喙、乃稍就部署、平疇三十
里、雞犬寂皇遽、風雲自一局、不與外戶攄、白首
遼行歸、指顧辨其處、猶袖初締花、香氣重撲絮

寒裳度阡陌、不復見溪阻、諒彼共沼前、頗亦閉
闕淤、遠事輟經緯、湛然發神慮、雞鳴榕樹顛、青
海澹星曙、幸有千里人、抵此千春語、

率爾別陳宣公

相別已廿載、吾初無所得、見爾素服膺、只在能
靜默、奮筆凌霞霜、援機碎敵國、嚼齒飛千鈞、自
知不得力、聃耳觀蒙供、能復有態色、文章視雲
根、引彗埽晨夕、至於性命間、杳然失蒼碧、橫梧

亦我師、鵬鵬爲我翼、斷簡尋伊臯、無乃太逼側、
學老使守關、蒙莊爲狎客、要於敬簡居、確不爽
繩尺、此道何有哉、於爾見遺則、

送宣公還三山

宣公秉厚德、冲邃平山淵、讀書本經史、探索窮
蒼玄、還處虛無間、達者不敢先、似欲反才哲、鼎
俎於自然、世道貴修矯、扁跳爭輕儼、安得練要
人、與觀羲軒前、以指當闡捫、正容如着鞭、相去

數十步、星漢垂宮懸、食當與之游、出當與之眠、
此理不可期、筆舌徒熬煎、何當爲塵塗、漂爍金
石年、

查毅齋將還錢塘寄懷其弟伊璜并示

彥升康流諸友

甲申

屬地斷青虹、垂天見投鮞、驪龍乍失珠、風雷動
閉噎、草昧呼真靈、猶未睹英傑、令弟何慨慷、礪
齒欲噉鐵、解麾起謙旗、以掃莽卓血、握別能幾

時、鱗羽俱橫絕、鍾陵道路長、老驥服跛鼃、安得
兩虬螭、化爲雙蜻蛚、陸顧多弟兄、管隰相心舌
白板獎帝室、藉茅起天闕、兒曹命鄧竇、下走得
樂葛、顧盼三千里、邇於半戶臬、何當爲醢雞、相
對坐嗚咽、

偶書寄陳令升

神州信陸沉、吾徒何顏面、以彼覆杆安、化爲先
集霰、天子亦明察、而受羣奸煽、蚶蜆食腸胃、

終不獲所戀、初以拚飛蟲、究使龍血戰、告者日以勤、譏者日以倦、災肯不足懲、焚梁恣雀燕、銅駝偃溪草、薪麥上高殿、九鼎繫一絲、江河細如線、大興片紙書、燁於十日電、野老扶杖觀、奸回手欲顛、壯士橫雕戈、健兒拂筈箭、文人集敗鼓、老嫗染赤綰、所貴日方升、不獨雪見睨、躊躇仰明詔、揮涕濕素弁、

賦得浮鍾江上用真韻聯句

潮漲蒲牢吼、風催鷁首顰、三華白波斟海若、青

瑟答湘神、元方虎齒啣僊呂、鯨鱗湧鐵賓、玉辰

鬪蒙隣渚草、懸拂杓谿塵、三華應析關生紫、於

倫辟樂新、元方窟探鰻理網、蠶料龍文親、玉辰

大抵聞韶關、徘徊覽泗濱、石師

詠業近集目錄

七言古

癸未
甲申

送王豐功北上公車
一章

焦桐

讀林守一漳帖
一章

韻人

閱紀石青六史蕉書
一章

太白

偶說易象正寄朱康流 一章

讀易

別陳獻可歸繡水 一章

鵲夷

慰別熊遜木 一章

孤生

寄建昌張恭錫太守 一章

貞堅

微吟當長嘯

八章

爲龍

多寶

袁公

烏臺

杜陵

中婦

縣官

義旗

凡八篇十五章

七言古詩

癸未
甲申

漳海

黃石齋著

榕壇門人

較

癸未六月江東送王豐功北上公車

焦桐山中神仙窟、百尺屏風青瑤骨、投壺拔劍
安足云、要使台雁精蒐奪、主人十年營此山、不
得片瓦棲其間、一朝諸賢官卜築、蒼松翠篠齊
牽攀、豐功於我寔親切、乍向此山輒話別、豈有
熊豹驚淹留、抑爲麟鸞護神烈、世間豪俊如牛

毛、曾無半組繫鷹絛、兩年十月復六月、黃鬚長
鬚爭河艚、孝廉之舟孝廉馬、一去一來千金瀉
道傍防寇與防兵、龍驪或出豺狼下、安得同心
六千人、桓桓呵雪生青春、舉袂揚風播萬里、頓
使四海無飛塵、它時坐我焦桐石、秋蟬一彈洒
一滴、但云 天子真聖德、長嘯悠然湖海碧、

讀林守一漳帖因迅筆識之

三山韻人古有數、國務十子已難遇、盛明作者

林宮端奇逸無過鄭縉部、邇來縉筆紛如林、葉
公曹公渾清浚、幔亭在杭各雄麗、猶與王李爭
呻吟、葉公當年擅條暢、眼中頗有董崇相、豈知
僑盼歸諸生、啓秀披華更適上、董公宗連董漢
橋、近體朗秀如笙簫、於中寔喜林守一、玉軫嶧
桐細金漆、守一爲詩多新嚴、芬芳燁燁鏘鏘鳴
蛇螭、每出珠翠外、劍氣恰與琴背平、迂儒見此
發殘趣、如獵山水破章句、芙蓉大鵬臨長江、固

空有此與之遇、吾生不樂關百草、中年割詩如
割藥、吳兒往往輕閩音、恨不移情上竊島、島中
千竅穿魚龍、素濤拍穴摧洪鐘、平塘篙師每欲
哭、十日擁鼻捫膾胷、今年還山見諸子、頗亦開
嘆道此理、大東雲漢與崧高、決不爲人惱纖指
海內作者今雲茶、誰當吉甫芮良夫、石倉選詩
二百卷、卷卷明眸放菡蓤、定欲一語傾入城、何
處千金露吾面、白沙山 四亦賢者生當盛時振

大雅遇其瀟發無纖埃、不在關雎鵲巢下、二雅
變終起陳檜、緊袖翹歌漸荒昧、呻猿驚鵲無安
微、安得沈沈見其大、陟彼高丘眺遠海、手掬明
沙洗塊磊、與君上下高駝迴、臥然若華炤千載、
定心廣志濬中央、離立經嶽表四方、微言朗咏
生清商、蛟螭踞視鸞鳳翔、風雷盍歆神不傷、夷
蕸斂跡生幽房、區區諸子安敢賞、

甲申春閱紀石青广史焦書系之以詩

太白山中採靈芝、天台澗傍拾瑤草、芝草已盡
不復生、穠莠蓬蓬塞田道、與君帶鎌行荷鋤、平
分百畝耘苗蔬、休龍歇象二人俱、旣成黍稷搏
明糲、雲門之笙咸池鼓、束芻飯牛隨牛舞、竈頭
一握聞鸞聲、居然天格親天語、還將糠粃燒黃
精、烏頭紫蔘白茯苓、還醜去豉澆一世、籬間雞
狗餐杜蘅、此時益君長顏色、經旬不餐坐亦得
廣心定志、胃氣香臥看厨兒煮白石、神明嗜好

知何常、各以適口爲馨香、瓊茅之茹旣蕭索、且
與惡草齊烹釀、合眠相、君得僊骨、餐服備非人
間物、不知周孔開賓筵、果有龍麟佐清醕、與君
攜手游人家、撒飯不官爲丹砂、冬窖之酒清明
茶、平頭鶴髓煎胡麻、榴皮數行誑穉子、金筵四
垂洞里耳、韋編竹簡青黏書、乃不如今之毫紙、
當年帝臣使鬼哭、畏有異人生斷樸、天地破碎
星辰翻、遂以風雲亂雨粟、還君史、還君經、還君

滄漠稱先醒、和平簡至神、鬼聽蒼茫千古留石
青、不與世界爭櫛星、

偶說易象正寄朱康流

康流看我讀易四十年、盡圖十二萬餘言、箇箇
鏡背叅璣璇、此意得無非偶狀、明興二百七十
五、細與姬曆分、鐘鼓幽平燧、絕歸洛中瀝澗東
西、龜食土十二圖中、皆云云、玉麟吐書排蒼旻
仰思待旦申、慙慙要與達者、稼真文二十年來

四百友無人啓關享敝帚但道排筭如藏闔不
知此象明於斗康流看我還山竟三春幾人紫
闥盤丹輪扶桑一夜摧爲薪野老未肯啼玉麟
試取從頭一叅玩後來幾箇河圖半要知吾學
有所云不作碎盤坐空爍

陳獻可來梁山數月矣寂處一室無物
外之交猶賈長頭從首陽下游也又
當板蕩猿鶴沙蟲不知所化梁山距

繡水尚三千餘里彈鋏過關或謂腰
下有物則當解衣刺舟奈何纍笈搜
書使行者指其竹乘乎往時長安貴
人見僕爲文章必語人曰作速持去
無所用此今暴貴人仍作前語吾知
獻可竹乘之穩也感今懷昔不覺泣
朕率筆冗音聊當灑別云

鵬夷不歿生計疎胥眼未懸國仍許南屏北斗

如棲苴、蟋蟀當春聽鐘簾、讀書至此將何爲、黍
離麥秀空生悲、中山鬼毫輕於衆、不及朱亥袖
中椎、晉唐帝居亦蕩圻、未有天子灰社稷、遺
弓帶血哀蒼生、但恨諸臣盡巾幘、諸臣剖心誰
與明、崑岡烈火燒瓊瑛、豈有百人同殉難、而無
一介懷忠貞、多寶閣前五嶺蟲、福華編頭勒名
字、都門欲破爭跳身、狗竇藏頭得淡刺、長鬚肥
體稱重臣、尖牟皂衣橫北隣、白日開門放豺虎、

遂使螭蟻緣龍鱗、嗚呼人臣致身托袞斧、安忍
偷生負 明主、天高閣遠雲霧重、夫人無子蓀
愁苦、永嘉世界紛諸王、宣和皇帝花石岡、千秋
亦云無失德、况爾宵旰憂玄黃、羅圖將窮赤宇
短、鳳巢翻風亦毀卵、恨無微力支不周、曾史居
朕謝簫管、與君淡談八九年、仰覆指掌明蒼天
銅駝金狄何所識、見爾沒草殊流漣、載馳之詩
屬女子、多少丈夫不肖理、江濱泥滓鈍牛蹄、馬

前囊空無三矢、西顧襄郢東淮肥、士言安石知
是非、與君畫圖二十四、指點神倪得幽閑、華山
道士安且眠、成都下簾辭取錢、麟足仍可追日
躔、行人何必愁下泉、

熊遯木言別急筆慰之

遯木孤生何太奇、鷄雛破巢啼早枝、風刀雨箭
刮毛髓、雖有五采誰能知、憶昔丹丘初韶少、大
鐘細磬鳴清妙、琅玕結實不官饗、欲向帝前振

微嘯須臾阿閣翻波濤、梧桐百尺摧蓬蒿、岸谷
滄桑不轉盼、海鳬落羽紛如毛、嗚呼爾生何不
蚤、桃花楊花亦耐老、不見擊鼓吹馮夷、但見呼
風捲秋草、我欲談此中已悲、安能曲折爲君詩
男兒努力開鬚眉、風霾何處無晴時、莫作酸皴
女子爲、

寄建昌張恭錫太守

恭錫之守建昌也甚得民和上下賴

之癸未臘月流寇陷袁州臨吉震駭
湖東諸郡盡聞風鶴益府怵於鳴
鎗亟謀利遷恭錫斷鞅卻車畱王不
得王徑出居邵武舉國騷然恭錫晝
夜拊綏聞月乃定盜賊消弭乃勸王
歸國古云疾風知勁草如恭錫可障
迴瀾者矣因爲長詩歌以紀之

建昌太守何貞堅手支崩崖挽百川楚波欲捲

郗陽船、一夜十起人安眠、臨吉盱虔本無冠、麻姑草木自奔驟、但云帝子不可留、金根束轅如束轂、太守拔刀留王車、閉門不官歌虛徐、以璧睨柱欲碎首、自視何如蘭相如、帝子潛行適異國、太守開門安反側、城頭裹飯夜授衣、隴上芸耨不改色、移時水落石亦平、湓江湖口微濊漬、啓箋迎王歸王城、不用挽水漉刀兵、十宗諸王十六府、玉葉金枝委如土、豈無守令稱長城、

但見龍鬬戰刀俎建昌王孫安且寧隕雨不絕
還經星當市豺狼既不見雞犬入巷梳舊翎太
守上殿稱無功稽首帝力歸文宗神明護持
安可同流涕四海猶飛蓬安得更如賢守數輩
交江東

微吟當長嘯

甲申六月初三日

爲龍莫噉大江魚爲虎莫嚙空山麋魚鼉已盡
江山空枯槎反根舍秋風君不見建寧嘉平世

餘載、天下健者歸薶、醢、又不見元符淳祐皆
人來摸端禮碑、前車已覆後車看、後人又發前
人歎、火雲燒天海水竭、龍虎自噉玄黃血、揮刀
入山不可拔、空使壯士嘆白髮、

二

多寶閣前掩畫卷、偃月堂頭賦統扇、聽蟀開籠
不敢啼、丞相抱頤藏雞棲、唐朝舞馬識生面、奮
蹄不上兒髮、丞相何爲朝不餐、短衣露踝解

饑寒兩卒夾草啣木杓、悔不剖腹納龍肝、潯沱
淚河長九澗、

三

君不見、袁公橫燒朱雀門、無鬚男子纏羝根、又
不見、海仙欲上石頭道、官家往往稱甘草、沙蟲
猿鶴安足猜、星辰經日生飛灰、世間幾箇爲君
歎、卞壺稽紹李若水、明朝頗有赤十人、冰城雪
窖行青春、年少諸生何足論、眼先白晝開青燐、

四

烏臺使者馳馬蹄、黃金如山青玉犀、爲官兩載
已太久、恨不繫印如銅斗、千箱秦蜀萬烏貂、平
頭騎馬花驪驕、起第連雲欲侵漢、一縣腴田得
大半、烏臺風力真可憐、安得此官常百年、漢鼎
雖移周曆改、斷不移田爲滄海、新衙直指又西
臺、蒙面鬢梢青灰、去年此日猶茂才、芒鞋草
衣穿蒿萊、如何不歎今人衰、

五

杜陵老翁走蹙躐、不與鄭虔共糴秣、拾遺偃蹇
爲幕賓、從此坎壈終其身、正統初年水東老、拔
刺又歸長安道、曾無一字迎鸞輿、至今人說葉
少保、男兒身勢如彈丸、脫手但做自家官、瀉水
出瓶復何物、不取黃金鑄馬骨、嘉肥到處稱天
山、歸人灑酒欣生還、油車青蓋朱酡顏、柵門東
西不敢關、拾遺少保交團樂、日夜開籠看白鵬

六

中婦罷啼出門去、不得迴頭顧鉞縷、拔刀湛刃
何所爲、御溝落花東西歸、可憐不嫁又不死、娥
眉青鬢爲誰理、東家少婦初入門、薇香砂粉沾
輕唇、稱身百寶行逡巡、中夜下床難俱論、玉釵
垂垂攷頭面、錦字銀牌看不見、去年簾前雙燕
燕、今歲春來斷紅線、可惜朱弦不掛箭、空使隣
媼淚如霰

七

縣官養兵苦無錢、募入捐助常悲漣、富子潛家
移海邊、一邑月餉須三千、貧兒四壁枯魚懸、朝
炊上城不敢眠、俗明無脂當夜燃、斫案黃金金
不鮮、分籌揚沙空垂涎、君不見賊中新廻諸長
老、啄肉人羣鴈腹飽、美金不得攜歸家、餘錢猶
塞長干道、

八

莫舉義旗義旗之舉何太難雲錦爲面珊瑚竿
百鈞之錚千鈞之盤乳席居其下飛猱集其端
執手欲戰責有寒義旗之舉何太難雷沙搏芻
神鬼彈拔萃跳河水樹闌臂何以當足何以安
馬服負書廉公罷餐騎劫題封而驅田單義旗
之舉何太難高不與猛席整冠卑不與獬豸拔
戟勇不與屠兒登壇智不與簞兒呼攢寧戚飯
牛未遇齊桓玄德無家傍徨曹瞞劉琨羈旅棲

依匹磾宗澤幕年空希謝安淮流欲枯江流倒
瀾義旗之舉何太難